



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**KREITI YA 12**

**SEPEDI LELEME LA GAE (HL)**

**LEPHEPHE LA BORARO (P3)**

**DIBATSELA 2024**

**TLHAHLO YA GO SWAYA**

**MEPUTSO: 100**

**Palomoka ya matlakala a tlhahlo ya go swaya ke 10.**

**ELA HLOKO:**

- Diriša rubriki ye ge o swaya ditaodišo (Lephephe la 3, KAROLO YA A).
- Meputso ya 0 - 50 e arotšwe ka magato a mahlano a ditlhalošo.
- Mo go diteng, polelo le mongwalelo, le legato le lengwe le le lengwe la magato a ditlhalošo a mahlano le arotšwe ka dikarolwana tše pedi, e lego legato la godimo le la fase go lebeletšwe kabo ya meputso le ditlhalošo.
- Sebopego ga se sa arolwa ka legato la godimo le la fase.

**KAROLO YA A: RUBRIKI YA GO SWAYA DITAODIŠO [MEPUTSO YE 50]**

Dinyakwa		Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG LE PEAKANYO</b>		<b>28–30</b>	<b>22–24</b>	<b>16–18</b>	<b>10–12</b>	<b>4–6</b>
(Go araba dipotšišo) Tatelano ya dikgopolo ge go dirwa peakanyo. Temogo ya morero, baamogedi ba tshedimošo le dikamano.	<b>Legato la godimo</b>	-Bokgoni bja go araba potšišo ke bja maemo a godimodimo go fetiša. - Dikgopolo tša go laetša bohla, tša go hlohla mabjoko tšeo di tšweletšago tsebo ye e tseneletšego. -Peakanyo le tlemagano ke tšeo di ikgethilego mo go matseno, mmele le mafetšo.	-Potšišo e arabilwe gabotsebotse. -Dikgopolo di kgahliša kudu ebile di sepelelana le hlogo/sererwa. -Peakanyo le tlemagano ya dikgopolo ke tše dibotsebotse mo go matseno, mmele le mafetšo.	-Karabo e a kgotsofatša. -Dikgopolo di tlemagane ebile di a kgodiša. -Peakanyo le tlemagano ya dikgopolo ke tše dikaone mo go matseno, mmele le mafetšo.	-Tlemagano ya dikgopolo ga se ya maleba. -Dikgopolo ga di tšwelele gabotse ebile ga di bontšhe boitlhamelo. -Tatelano le tlemagano ya dikgopolo di tšwelela gannyane.	-Molekwa o tšwele tseleng kudukudu. -Dikgopolo di hlakahlakane ebile ga di nepiše. -Dikgopolo ga di nepiše hlogo ebile di a ipoeletša. -Ga go tatelano le tlemagano ya dikgopolo.
<b>MEPUTSO YE 30</b>		<b>25–27</b>	<b>19–21</b>	<b>13–15</b>	<b>7–9</b>	<b>0–3</b>
	<b>Legato la fase</b>	-Bokgoni bja go araba potšišo ke bja maemo a godimodimo. -Dikgopolo tša go laetša bohla, tša go hlohla mabjoko tšeo di tšweletšago tsebo ye e tseneletšego. -Bokgoni bja maemo a godimo bja go beakanya le go tlemaganya dikgopolo mo go matseno, mmele le mafetšo.	-Potšišo e arabilwe gabotse. -Dikgopolo di a kgahliša ebile di sepelelana le hlogo/sererwa. -Peakanyo le tlemagano ya dikgopolo ke tše dibotse mo go matseno, mmele le mafetšo.	-Potšišo e arabilwe ka mo go kgotsofatšago eupša ga se ya hlaka gabotse. -Tlemagano ya dikgopolo e a kgotsofatša ebile e a kgodiša. -Peakanyo le tlemagano ya dikgopolo di a kgotsofatša mo go matseno, mmele le mafetšo.	-Molekwa o tšwele tseleng. -Dikgopolo di hlakahlakane. -Ga go peakanyo goba tlemagano ya dikgopolo yeo e tšwelelago.	-Ga go bolelwe selo ka hlogo yeo e filwego. -O tšwele tseleng kudukudu. -Diteng ga di nepiše ebile di hlakahlakane.

<b>POLELO, MONGWALELO LE PALOBOHLATSE</b>  Segalo, retšistara, mongwalelo, tlotlontšu ya maleba ya morero le dikamano. Kgetho ya mantšu. Tirišo ya polelo le melawana, maswao, popopolelo le mopeleto.  <b>MEPUTSO YE 15</b>	<b>Legato la godimo</b>	<b>14–15</b>	<b>11–12</b>	<b>8–9</b>	<b>5–6</b>	<b>0–3</b>
		-Segalo, retšistara, setaele le tlotlontšu di sepelelana kudukudu le morero, baamogedi le dikamano. -Polelo ke ya boitshepo, ya go nona, ya maatlakgogedi. -Polelo e na le segalo sa go ba le maatlakgogedi ebile e nonne ka mebolelwana ya go kgahliša. -Go nyakile go se be le ge e ka ba phošwana e tee ya popopolelo le mopeleto. -Polelo e beakantšwe ka bokgwari bja maemo a godimodimo.	-Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e na le maatl, ya segalo sa maleba. -Diphošo tša popopolelo le mopeleto ga se tše kae. -Polelo e beakantšwe gabotsebotse.	-Segalo, retšistara, setaele le tlotlontšu di sepelelana gabotse le morero, baamogedi le dikamano. -Tirišo ya maleba ya polelo e dira gore molaetša o kwagale. -Segalo ke sa maleba. -Mebolelwana e dirišitšwe go godiša boleng bja diteng.	-Segalo, retšistara, setaele le tlotlontšu di sepelelana gannyane le morero, baamogedi le dikamano. -Tirišo ya polelo ke ya motheo. -Segalo le mošito ga se tša maleba. -Tlotlontšu ke ye nnyane kudu.	-Polelo ga e kwešišagale. -Segalo, retšistara, setaele le tlotlontšu ga di sepelelane le morero, baamogedi le dikamano. -Tlotlontšu ke ye nnyane kudukudu moo e lego gore e dira gore ditaba di se kwešišagale.
<b>MEPUTSO YE 15</b>	<b>Legato la fase</b>	<b>13</b>	<b>10</b>	<b>7</b>	<b>4</b>	
		-Polelo ya maemo a godimodimo ya go ba le segalo se maatl. -Go nyakile go se be le ge e ka ba phošwana e tee ya popopolelo goba mopeleto. -Polelo e beakantšwe ka bokgwari.	-Polelo ke ya maemo a godimo ya go ba le maatlakgogedi. -Segalo ke sa maleba sa go ba le maatlakgogedi. -Go na le diphošwana tše nnyane tša popopolelo le mopeleto. -Polelo e beakantšwe gabotse.	-Tirišo ya polelo e a kgotsofatša eupša e na le diphošo. -Segalo se a kgotsofatša eupša mebolelwana ga se ya dirišwa o kaalo.	-Polelo ga e kgotsofatše. -Ga go phapantšho ya mafoko. -Tlotlontšu ga se ye kaalo.	
<b>SEBOPEGO</b>  Dinyakwa/dipharolo gantšho tša setšweletšwa. Tšwetšopele ya ditemana le tlhamo ya mafoko.  <b>MEPUTSO YE 5</b>		<b>5</b>	<b>4</b>	<b>3</b>	<b>2</b>	<b>0–1</b>
		-Tšwetšopele ya sererwa ke ya maemo a godimodimo. -Tlhalošo ya dikgopolo ke ya maemo a godimodimo. -Tlhamo ya mafoko le ditemana ke ya go ikgetha, ya maemo a godimodimo.	-Tatelano ye botse ya tšwetšopele ya dintlha. -Tlemagano ye botse ya dintlha le dikgopolo. -Mafoko le ditemana di beakantšwe ka makgethe.	-Dintlha tša maleba di tšweleditšwe. -Mafoko le ditemana di hlamegile gabotse. -Taodišo e a kwagala.	-Dintlha tša maleba ga se tše kae. -Mafoko le ditemana di na le diphošo. -Taodišo e a kwagala eupša e na le mafokodi.	-Dintlha tša maleba ga di gona. -Mafoko le ditemana di fošagetše. -Taodišo ga e kwagale.

**KAROLO YA B: RUBRIKI YA GO SWAYA DITŠWELETŠWA TŠE TELELE TŠA TIRIŠANO [MEPUTSO YE 25]**

<b>Dinyakwa</b>	<b>Bokgoni bja go ikgetha</b>	<b>Bokgoni bja maemo</b>	<b>Bokgoni bja magareng</b>	<b>Bokgoni bja motheo</b>	<b>Ga go bokgoni</b>
<b>DITENG, PEAKANYO LE SEBOPEGO</b>  Go araba dipotšišo le dikgopolo. Tatelano le peakanyo ya dikgopolo. Morero, baamogedi, dinyakwa/dipharologantšho le dikamano.  <b>MEPUTSO YE 15</b>	<b>13–15</b>  -Bokgoni bja go araba potšišo ke bja maemo a godimodimo go fetiša. - Dikgopolo ke tša go laetša bohlale, le go mabjoko. -Tsebo ke ye e tseneletšego ya dinyakwa tša mohuta wa setšweletšwa. -Ditaba di nepiša setšweletšwa thwi. -Tlemagano ya diteng le dikgopolo ke ya maemo a godimo. -Tlhalošo ya ditaba ke ya maemo a godimo ebile e thekga sererwa. -Sebopego ke sa maleba sa go sepelelana le setšweletšwa.	<b>10–12</b>  -Bokgoni bjo bobotsebotse bja go araba potšišo bjoo bo laetšago tsebo ye botse ya mohuta wa setšweletšwa. -Ditaba di nepiša setšweletšwa. -Molekwa ga se a tšwa tseleng. -Tlemagano ya diteng le dikgopolo ke ye botse. -Tlhalošo ya ditaba ke ye botse ebile e thekga sererwa. -Sebopego ke sa maleba eupša se na le diphošwana di se kae.	<b>7–9</b>  -Bokgoni bja go kgotsofatša bja go araba potšišo bja go laetša tsebo ya mohuta wa setšweletšwa. -Go na le nepišo eupša go na le go tšwa tseleng gannyane. -Tlemagano ya dikgopolo le dikamano e a kgotsofatša. -Tlhalošo ya ditaba e a kgotsofatša ebile e thekga sererwa. -Sebopego ke sa maleba eupša se na le diphošo tše dintšinyana.	<b>4–6</b>  -Bokgoni bja motheo bja go araba potšišo bja go laetša tsebo ye nnyane ya dinyakwa tša mohuta wa setšweletšwa. -Go na le nepišo ye nnyane ya setšweletšwa eupša go na le go tšwa tseleng. -Tlemagano ya diteng le dikgopolo ga se ye kaalo. -Tlhalošo ya ditaba ke ya motheo ebile e thekga sererwa gannyane. - Melao ya sebopego ga se ya šomišwa ka tshwanelo. -Go tlogetšwe dintlha tše bohlokwa.	<b>0–3</b>  -Karabo ya gagwe ga e laetše tsebo le ye nnyane ya mohuta wa setšweletšwa. -Molaetša ga o tšwelele gabotse ka ge molekwa a tšwele tseleng kudukudu. -Ga go tlemagano ya diteng le dikgopolo. -Ditaba di hlalošwa gannyane. -Sebopego sa setšweletšwa ga se sona.
<b>POLELO, SETAELE LE PALOBOHLATSE</b>  Segalo, retšistara, setaele, morero, baamogedi le dikamano. Tirišo ya polelo le melawana. Kgetho ya mantšu. Maswao le mopeleto.  <b>MEPUTSO YE 10</b>	<b>9–10</b>  -Segalo, retšistara, setaele le tlotlontšu di sepelelana gabotsebotse le morero, baamogedi le dikamano. -Polelo e nepagetše ebile e hlamegile gabotse. -Go nyakile go se be le ge e ka ba phošwana e tee ya popopolelo le mopeleto.	<b>7–8</b>  -Segalo, retšistara, setaele le tlotlontšu di sepelelana gabotse le morero, baamogedi le dikamano. -Polelo e na le diphošo tše nnyane tša popopolelo ebile e hlamegile gabotse. -Tlotlontšu ke ye ntši. - Diphošo ga se tše dintši.	<b>5–6</b>  -Segalo, retšistara, setaele le tlotlontšu di sepelelana le morero, baamogedi le dikamano. -Diphošo tša popopolelo ga se tše dintši. -Tlotlontšu ke yeo e lekanetšego. -Diphošwana tšeo di lego gona ga di fetoše molaetša.	<b>3–4</b>  -Segalo, retšistara, setaele le tlotlontšu ga di sepelelane gabotse le morero, baamogedi le dikamano. -Popopolelo ga se yeo e nepagetšego ebile e tletše ka diphošo. -Tlotlontšu ga se ye ntši. -Molaetša o a tšwelela eupša o arošitšwe.	<b>0–2</b>  -Segalo, retšistara, setaele le tlotlontšu ga di sepelelane le morero, baamogedi le dikamano. -Sengwalo se tletše ka diphošo ebile se hlakahlakane. -Tlotlontšu yeo e lego gona ga e sepelelane. le morero le gannyane -Molaetša ga o tšwelele le gannyane.

**ELA HLOKO:**

- Dintlha tšeo di filwego ka tlase ga hlogo ye nngwe le ye nngwe ke tša go hlahla baswai fela.
- Kwešišo ya molekwa ya hlogo yeo a e kgethilego e elwe šedi le ge dintlha tša gagwe di fapana le tšeo di filwego.

**KAROLO YA A: DITAODIŠO****POTŠIŠO YA 1**

Balekwa ba ngwale taodišo ya mantšu a 400–450 ka hlogo e tee ya tšeo di filwego. Ba ka ngwala ka mehuta ye e latelago ya ditaodišo: Taodišokanegelo, taodišotlhaloši, taodišokgadimo, taodišokahlaahlo, taodišongangišano goba tswalano ya tšona.

**1.1 Go kganya go mo lobišitše**

Go letetšwe gore molekwa a anege ka dilo tše motho yo go bolelwago ka yena a di lobilego ka lebaka la go kganya.

**[50]****1.2 Basadi ba na le bokgoni bja boetapele**

Go letetšwe gore molekwa a laetše bokgoni bja basadi bja go eta pele.

**[50]****1.3 Dikgetho tša Mei 2024**

Go letetšwe gore molekwa a anege ka mo dikgetho tša Mei 2024 di sepetšego ka gona.

**[50]****1.4 Ke bone ka yena gore go a kgonega**

Go letetšwe gore molekwa a tšweletše dilo tše go ya ka yena di sa kgonagalego eupša a bone ka motho yo mongwe gore di a kgonagala.

**[50]****1.5 Dikgokagano tša leago ke kgenkgerepe**

Go letetšwe gore molekwa a laetše mahlakore a mabedi, a botse le bobe bja go tlišwa ke dikgokagano tša leago.

**[50]****1.6 Setšo sa motho, bohwa bja motho. Dumela goba o ganetše.**

Go letetšwe gore molekwa a kgethe lehlakore la go dumela goba la go ganetša. Lehlakoreng la go dumela a laetše ka mo setšo se lego bohlokwa kgodišong ya bohwa. Lehlakoreng la go ganetša a laetše ka mo go se sa lego bohlokwa go latela setšo.

**[50]**

Tlhathollo ya ditšweletšwa tša go bonwa e akaretša mehuta ya ditaodišo ka moka. Molekwa o ikgethela seswantšho gomme a ngwala taodišo ka mohuta wo a o nyalantšhago le seswantšho seo.

- 1.7 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A hlaloše ka fao a sepetšego tsela ye boima go fihlelela katlego ya gagwe. Go ka tšweletšwa le kgopolo ya gore ga se batho ka moka bao ba thabelago katlego ya ba bangwe. [50]
- 1.8 Go letetšwe gore molekwa a tšweletše sengwalwa sa gagwe ka tlhathollo ya seo se tšweletšwago seswantšhong ntle le go fetola kgopolokgolo. A laetše gore lerato, tšhomišanommogo le tlhompho go batho ba bangwe di bohlokwa. Ka go le lengwe go ka bolelwa ka ditlwaedi tšeo di sego tša loka tša go fihlelela menyetla ka tsela yeo e sego ya maleba. Mohlala: go bona dipapadi tša kgwele ya maoto o le ka ntle ga lepatlelo o se wa lefa. [50]

**PALOMOKA YA KAROLO YA A: 50**

**KAROLO YA B: DITŠWELETŠWA TŠA TIRIŠANO****POTŠIŠO YA 2****2.1 LENGWALO LA SEGWERA****Mohlala mabapi le diteng tša sererwa:**

Go letetšwe gore molekwa a lebogiše motswalagwe yo a thopilego sefoka sa bommasebotsana

**Sebopego le diponagalo/dinyakwa**

- Sebopego le botelele e be tša maleba.
- Atrese e tee fela ya mongwadi/moromedi.
- Letšatšikgwele le ngwalwe ka tlase ga atrese.
- Madume/Matseno e be a makopana a maleba.
- Diteng e be tša maleba, tša go lebogiša.
- Retšistara le polelo e be tša go hlompha le go lokologa.
- Tšhomišopolelo, tlotlontšu le maswaodikga e be tše di nepagetšego.
- Mafelelo/Bofelo e be boitsebišo bja mongwadi ka mokgwa wa setlwaedi.  
Mohlala: Ke nna
- Mongwadi wa lengwalo ga se a swanela go ngwala leina le sefane, eupša leina la gagwe fela goba sereto.  
Mohlala: Napšadi

**[25]****2.2 EMEILE****Mohlala mabapi le diteng tša sererwa:**

Go letetšwe gore molekwa a ngwale emeile ya go nyakišiša ka kgopelo ye a e dirilego ya karata ya boitsebišo.

**Sebopego le diponagalo/dinyakwa**

- Sebopego le botelele e be tša maleba.
- Atrese ya emeile ya moromelwa.
- Hlogo ye e laetšago lebaka la go romela emeile.
- Madume/Matseno e be a makopana a semmušo.
- Diteng e be tša maleba tša go nyakišiša ka kgopelo ye e dirilwego ya karata ya boitsebišo.
- Retšistara le polelo e be tša semmušo.
- Segalo e be sa maleba.
- Tšhomišopolelo, tlotlontšu le maswaodikga e be tše di nepagetšego.
- Mafelelo/Bofelo e be boitsebišo bja mongwadi ka botlalo.  
Mohlala:  
Ke nna/Wa lena  
Kekana T

**Mohlala wa Emeile:**

Go ya go: Emeile ya moromelwa (homeaffairs@sa.com)
CC:
Bcc:
Hlogo: Lebaka la emeile (Nyakišišo ya kgopelo ya karata ya boitsebišo)
<p>Madume: Laetša tlhompho (bjalo ka Mohlomphegi)</p> <p>Mmele: Diteng tša emeile</p> <ul style="list-style-type: none"> <li>• Matseno</li> <li>• Hlaloša ditaba ka botlalo.</li> <li>• Thumo/Mafetšo.</li> </ul>
<p>Lefoko la go tswalela:</p> <p>Boitsebišo bja mongwadi ka botlalo.</p>

**[25]****2.3 TŠA BOPHELO BJA MOHU****Mohlala mabapi le diteng tša sererwa:**

Go letetšwe gore molekwa a bontšhe gore mohu e be e le radipolotiki yo a šometšego naga lebaka le letelele. Go laetšwe maikarabelo a gagwe setšhabeng.

**Sebopego le diponagalo/dinyakwa**

- Leina le sefane sa mohu.
  - Batswadi ba mohu.
  - Lefelo le mohu a belegetšwego go lona.
  - Letšatši la matswalo a mohu (Go bohlokwa gore molekwa a laetše gore mohu o belegwe ka ngwaga wa 1971).
  - Dithuto tšeo mohu a di fihleletšego.
  - Go laetšwe mošomo wa bopolotiki.
  - Ditiro tše botse tše mohu a gopolwago ka tšona.
  - Letšatši le a hlokošetšego ka lona.
  - Se se hlotšego lehu la gagwe.
  - Meloko ya kgauswi ye mohu a e tlogetšego.
  - Lefoko la taelo.
- Mohlala: Robala ka khutšo.
- Mohu a ka laelwa ka sereto, mohlala Monareng.
  - Retšistara le polelo e be tša go hlompha.
  - Tšhomišopolelo, tlotlontšu le maswaodikga e be tše di nepagetšego.
  - Go ngwalwe ka motho wa boraro, ka lebaka le le fetilego.

**[25]**



## 2.4 ATHIKELE YA KURANTA

- Hlogo ya taba yeo e begelago babadi ka seo se anegwago.
- Hlogo ya taba e be yeo e gogago mahlo a babadi.
- Go be le dihlogo tša dikgopolotlaleletšo le temana yeo e hlahlago le go godiša kgahlego go hlatholla kanegelokgolo.
- Kanegelo e tšweletšwe ka ditemana tše pedi goba tše tharo tše kopana.
- Ditemana tše dingwe di hlaloše diteng, mola tše dingwe di hlaloša ditaba tša bokamorago.
- Tsopolo goba tšhišinyo e ka šomišwa bjalo ka temana ya mafelelo ya go tswalela.
- Polelo e be ye e tsošago maikutlo le go hlohleletša.
- Mafelelong efa ka botlalo leina le boitsebišo bja motho yo a ka kgokaganywago go ka fa ditaba ka botlalo ge go hlokega.
- Sebopego, Mohlala:  
Leina la kuranta, letšatši, letšatšikgwedi. (Ditlalemeso, Labone, Phupu 1 2024).  
Hlogo (Batho bao ba rekišetšago bana dikuku tša go ba le diokobatši sekolong.)  
Leina la mmegi: Mashao MM

Diteng di tšweletše tše di latelago:

- Ditemana di tšweletšwe ka diripa tše tharo:
- Matseno a tšweletše bothata.
- Mmele o tšweletše kgodišo ya bothata.
- Thumo e akaretše bothata gomme e tliše tharollo le ditšhišinyo.
- Segalo e be se se fodilego.
- Retšistara e be ya maleba.
- Ditaba e be tša nnete.

[25]

## 2.5 POLEDIŠANO

**Mohlala mabapi le diteng tša sererwa:**

Go letetšwe gore molekwa a laetše poledišano gare ga gagwe le mmagwe. A laetše ka mokgwa wo a sa ratego gore mmagwe a tlogele mošomo. Mmagwe le yena a laetše mabaka a a mo dirago gore a tlogele mošomo.

**Sebopego le diponagalo/dinyakwa**

- Maina a batho bao ba boledišanago a tšweletšwe ka letsogong la ngele, a latelwe ke leswao la dikgorwana.
- Go šomišwe mantšu a ka mašakaneng.
- Mmadi a kgone go hwetša sererwa ge a bala.
- Bakgathatema ba se tšwe tseleng ya sererwa.
- Ba laetše tsebo ye e tseneletšego ya polelo, go swana le: polelo ya go hlalefetša le dikamano. Ba ka šomiša mabokgoni a go rerišana gore go fihlelelwe tumelelano.
- Go be le matseno le mafelelo a go goga šedi ya mmadi.

[25]

**2.6 DITSHWAYATSHWAYO****Mohlala mabapi le diteng tša sererwa:**

Go letetšwe gore molekwa a tšweletše ditiragalo, molaetša le maikutlo a gagwe mabapi le filimi ya puku ye e balwago mphatong wa marematlou.

**Sebopego le diponagalo/dinyakwa**

- Leina la filimi, mongwadi le motšweletši.
- Ngwala ka motho wa pele.
- Ngwala ka lebaka le le fetilego.
- Mahlaodi le mantšu ao a tsošago maikutlo go tšweletša dikgopolo a a nyakega.
- Retšistara le polelo e be tša maleba.
- Tšhomišopolelo, tlotlontšu le maswaodikga e be tše di nepagetšego.
- Batho ba be le kgahlego ya se se bolelwago.
- Tšweletša dintlhakgolo ka boripana.
- Kanego ya ditaba ka moka ga e nyakege, šuela mmegelwa go ikgopolela, le go ikagela seswantšhokgopolo sa filimi ye.

**[25]**

**PALOMOKA YA KAROLO YA B: 50**  
**PALOMOKA YA TLHAHLOBO: 100**